



法數舉要卷一目錄

一月喻三身

一月三舟喻

一乘

一雨

一大事因緣

一覺

第一義

一地

一法界

一真法界

一藏

一極

一偈

一名

一音

一宗



一合相

一因

一如

一解脫

一生

一來

一根

一機

一切

一刹

一塵

一漚

一花

一佛身

二覺

二覺

二種神力

二足

契經二義

二般若

金剛二義

迹本二門

二如來藏

二涅槃

二心

二種性

二相

二相

二根

二種根本

二種識

阿賴耶二義

二諦

二力

二忍

二種我見

二空

二執

二果

二果

二加

二種廣利

二種說法

論有二種

二句

二義

二請

二答

二食

無明二義

二種熏

華嚴為諸教本有二

二種立題

二羯磨

二殊勝

二花

二種菩薩

二木

二種獨覺

二藏

二乘

二乘

二果二義

初果二義

二宗

二種比丘

僧伽理事二和

二難化

二種健兒

二人出佛身血

二護

二種布施

二種施

二戒

在家二戒

二種精進

二種忍辱

二種懺悔

二種福田

二利

二種見

二煩惱

見思二惑

客塵二義

二障

二業

二種顛倒

二緣

二種有漏因果

二報

世界二義

二世間

二土

二身

二種色

二種色

二食

二邊

三身

三身華梵

佛化身三

三覺

佛行離地三意

如來乞食三意

佛三事入城

佛三不能

佛三語

三處不轉法輪

三輪

佛三密

華嚴三聖

三種大師

三藏

三如來藏

法華三周

蓮華三喻

三分科經

三善

三軌弘經

三般若

三轉法輪

三陀羅尼

三無礙

三德

律有三名

三論

三歸依

三止

三慧

三智

三覺

三性

三自性

三種緣慈

三種意生身

如意通有三種

三明

三識

三識

三種熏習

三細相

三大

三種身

天台三觀

圓覺三觀

南山三觀

三諦

三假

三悔法

三方便

三漸次

三科

法數舉要卷一

一月喻三身

出寶王論

一月喻三身者以月體喻法身月光喻報身月影

東官印
法身即常
住之理
理體惟一
不生不
變而能
出生諸
法統攝
萬事猶
如月體
一輪
照臨萬
像

水報身即是寂照之智智無自體依

理而發明了一切無有差謬猶如月光照臨萬像
無有隱形應身即是變化之用用無自性從體而
起有感則通無感不應猶如月影有水則現無水

東官印
法身即常
住之理
理體惟一
不生不
變而能
出生諸
法統攝
萬事猶
如月體
一輪
照臨萬
像

不顯然。然此三身本是一體。從用立名。故有種種論云。法身如月之體。報身如月之光。應身如月之影。是也。

一月三舟喻

出華嚴經疏

謂澄江一月。三舟共觀。一舟停住。二舟向南北行。向南者見月隨南。向北者見月隨北。停舟者見月不移。蓋譬如來智無不周。體無不在。無依無住。無去無來。皆由衆生緣有生熟。故見如來有去住相。法身之體本無去住也。一月喻佛。三舟喻世間衆

生見佛不同。是名一月三舟喻也。

一乘

出法華經玄義

一乘者佛乘也。乘即運載之義。佛說一乘之法。爲令衆生依此修行。出離生死苦海。運至涅槃彼岸。故喻以七寶大車。而導之以大白牛也。佛之出世。意欲直說法華。蓋由衆生機器不等。於是先說三乘之法。而調熟之。故經云。於一乘道。分別說三。後至法華。會三乘之小行。歸廣大之一乘。又云。十方

佛土中。惟有一乘法是也。

梵語涅槃華言滅度。七寶者金銀琉璃瓔珞。

磔碼磔赤真珠也三乘者聲聞乘緣覺乘菩薩乘也

一雨華經

一雨者喻佛所說一乘之法也蓋佛說法華惟談圓教一實相理純一無雜即是如來一音宣對一乘法雨咸令眾生開佛知見經云一雨所潤是也

一大事因緣華經

一即一實相也其性廣博故名為大如來出世度生之儀式故名為事眾生具此實相而能成機感佛故名為因如來證此實相而能起應度生故名

為緣一切如來出現於世皆為開示一切眾生本有實相令其咸得悟入佛之知見捨此則非如來出世本懷經云如來惟以一大事因緣故出現於世是也

一覺起論

一覺者十界眾生本性之覺也謂六道眾生業惑所覆不能覺了名為不覺三乘之人斷惑證理未能究竟名隨分覺唯佛一人諸惑淨盡徹見本性名究竟覺迷悟雖殊覺體本一論云本來平等同

一覺故是也。十界者佛界菩薩界緣覺界聲聞界天界人界阿脩羅界餓鬼界畜生界地獄界也。佛亦名衆生者佛爲無上衆生也。六道者天道人道脩羅道餓鬼道畜生道地獄道也。三乘者菩薩乘緣覺乘聲聞乘也。

第一義出大集經

第一義者即無上甚深之妙理也。其體湛寂其性虛融無名無相絕議絕思。經云甚深之理不可說。

第一義諦無聲字是也。

無聲字者謂離語言文字之相也。

一地出法華經

一地者一實相地也。地有能生之義。一切草木種

子皆依於地而得生長。以譬人天聲聞緣覺菩薩一切習因種子皆依五陰之身增長成熟。至於法

華會上聞佛說一聚法皆成菩薩法性。五陰則是

一實相地。故經云一地所生是也。

習因者所作之因習續不斷也。

五陰者色陰受陰想陰行陰識陰也。

一法界出起信論

一法界即一真如之理。體性虛融平等不二也。

一真法界出華嚴經隨疏演義鈔

無二曰一。不妄曰真。交徹融攝。故曰法界。即是諸

佛平等法身。從本以來。不生不滅。非空非有。離名離相。無內無外。惟一真實。不可思議。是名一真法界。

一藏

出華嚴經疏

藏。即含藏之義。謂法界之理。豎窮三際。橫徧十方。無德不備。無法不攝。一一該羅。重重無盡。若世間法。若出世間法。無不含藏。故名一藏。三際者。過去現在未來也。

一極

出普賢行願品疏

一極者。謂華嚴經廣談法界之旨。妙極無二也。蓋

如來出世。首為諸大菩薩說佛菩薩真實境界。不說二乘方便之法。是故聲聞緣覺雖在聽次。有如聾聵。寂無所聞。故疏云。一極唱高。二乘絕聽。是也。

二乘者。聲聞乘。緣覺乘也。

一偈

出翻譯名義

一偈者。西域記云。舊曰偈。或曰偈他。梵音訛也。今從正音。且云伽陀。華言頌。諸經雖五字七字為句。不同。皆以四句為一偈也。

一名

出涅槃經

名即名字。謂理雖是一。假言施設。種種不同。如經中只一涅槃之名。如來隨機演說。亦名無生。亦名無作。亦名無爲。亦名解脫。亦名彼岸。亦名無退。亦名安處。亦名寂靜。亦名無相。亦名無二。亦名一行。亦名清涼。亦名無諍。亦名吉祥。雖立多種之別。只是涅槃一名。是爲一名。

一音

出維摩經

一音者。佛之音聲也。蓋衆生緣有淺深。根有利鈍。故於一音之中。同聽異聞。若是人天根器。則聞佛

說五戒十善之法。若是聲聞根器。則聞佛說四諦之法。若是緣覺根器。則聞佛說十二因緣之法。若是菩薩根器。則聞佛說六度等法。各得解了。經云。佛以一音演說法。衆生隨類各得解。是也。五戒者。不殺。不

盜。不邪淫。不妄言。不綺語。不飲酒也。十善者。不殺。不盜。不邪淫。不妄言。不綺語。不兩舌。不惡口。不貪。不瞋。不癡也。聲聞者。聞佛聲教。悟真空理。故名聲聞也。四諦者。苦諦。集諦。滅諦。道諦也。緣覺者。因觀十二因緣。覺真空理。故名緣覺也。十二因緣者。一無明。二行。三識。四名色。五六入。六觸。七受。八愛。九取。十有。十一生。十二老死也。菩薩者。梵語具云。菩提薩埵。華言覺有情。六度者。一布施。二持戒。三忍辱。四精進。五禪定。六智慧也。

一宗 出華嚴經疏

宗者要也。謂諸大乘經所說雖異，莫不同乎一理。如華嚴之談法界，般若之談佛母，法華之談實相，等皆以一理為其宗要。鈔云：一宗容具多經是也。

一合相 出金剛經

一合相者，蓋言衆塵和合而為一世界也。世界本空，微塵不有，但衆生不了，妄執為實。若是實有，即應世界不可分為微塵。若是實無，不應微塵合為世界。是知執有執無，皆不當理。經云：如來說一合

相，即非一合相，是名一合相，是也。

一因 出涅槃經

一因者，謂聖凡平等之理體也。蓋此理體，諸佛衆生皆性本具，初無增減。然諸佛悟之而成妙果，衆生迷之而流轉諸趣。若全此一因而修圓頓之行，則能超出三乘所修之因而證一乘之果也。三乘者

聞乘緣覺乘菩薩乘也

一如 出首楞嚴三昧經

不二不異，名曰一如，即真如之理也。所謂真如界

內絕生佛之假名。平等性中無自他之形相。故經云。魔界如。佛界如。一如無二如是也。魔梵語具云。者謂能奪人功德之財。殺人智慧之命也。佛梵語具云。佛陀華言覺者。謂能自覺覺他。覺行圓滿也。魔佛皆言如者。魔為修惡之極。佛為修善之極。善惡雖分。其性本一。故云一如無二如也。

一解脫出涅槃經

解脫者。無拘無礙自在之謂也。一切眾生同有佛性。本來解脫。良由心生執著。妄自迷倒。受諸纏縛。若能一念反妄歸真。了縛無縛。則與諸佛如來同一解脫。無有差別。經云。同一解脫是也。

一生出法華經

一生者。謂等覺菩薩無明之惑未盡。尚有一番變易生死。過此一生。即登妙覺果佛之位。所以等覺菩薩稱為一生補處。經云。一生當得阿耨多羅三

藐三菩提是也。

等覺者。望後妙覺。猶有一等。超前諸位。得稱為覺。無明者。無所明了。

即障理之惑也。變易者。即實報土生死也。因移果易。故名變易生死。妙覺者。自覺覺他。覺行圓滿。不可思議也。

一來出四教儀

一來者。謂二果斯陀含。於欲界九品思惑中。前六

品雖盡後三品猶在故更來欲界一番受生是名

一來梵語斯陀舍華言一來九品者上中下三品每品中又分三品也

一根出楞嚴經

一根即耳根也蓋由北方之人耳根最利聞法易入故文殊選揀圓通之門取耳根為第一也然以耳根為圓通門者特假其通入而已必期脫去聲塵反聞自性然後為復本歸源之至一根既然諸根亦寂經云一根既返源六根成解脫是也六根者眼根耳根鼻根舌根身根意根也

一機出楞嚴經

機謂機關即發起之處也一機以喻耳之一根一根返源諸根解脫經云雖見諸根動要在一機抽是也

一切出翻譯名義

一是普及之言切是盡際之語又云究竟非二名一其性廣博名切故名一切

一刹出翻譯名義

刹梵語具云刹摩華言土田即國土也謂一佛所

化之境。以大千世界而為一刹也。大千世界者。一彌山。照四天下。為一世界。一千世界為小千世界。一千小千世界為大千世界。一千大千世界為大千世界。

一塵出華嚴經

一塵者。一微塵也。經云。譬如有大經卷。量等大千世界。而全住在一微塵中。一微塵既。然一切微塵。皆亦如是。時有一人。謂佛也。智慧明達。有淨天眼。見此經卷。在微塵內。即以方便。破此微塵。出此經卷。令諸衆生。普得饒益。以譬一切衆生。身中。具有如

來無礙智慧。但由衆生妄想顛倒。而不自覺。惟有諸佛。乃能知之。即以方便。令諸衆生。修於聖道。破除虛妄煩惱。顯出如來真實智慧。故云。一塵之內。有大千經卷是也。

一漚出楞嚴經

漚者。水泡也。海本澄湛。因風飄鼓。發起水泡。以譬大覺之性。真淨明妙。因心妄動。生起虛空世界。虛空世界。在大覺性中。如大海中之一漚耳。經云。空生大覺中。如海一漚。發是也。

一花出梵網經

經云我今盧舍那方坐蓮華臺我者釋迦佛自謂也梵語盧舍那華

言淨滿諸惑究竟盡謂之淨衆德悉圓謂之滿也方坐者方正也謂安住正法也蓮華者華藏世界也

以其形似蓮華故以名之臺者華藏世界之中央也華嚴經云風輪持香海香海出蓮華蓮華持世

界是周匝千華上復現千釋迦蓮華有千葉故云千華一華葉上現

一釋迦佛故云復現千釋迦此一花百億國一國

一釋迦於一花葉復現百億國土每一國土又現

佛此千百億釋迦乃從千葉上千釋迦現出也通

而百億釋迦今此四天乃是千百億釋迦佛現出千

土百億釋迦牟尼佛乃是千百億釋迦中之一佛也

二佛身出涅槃經

一法性身法性即法身也謂此法性之身徧滿十

方無量無邊色像端正相好莊嚴以無量光明無

量音聲能度十方法身菩薩是名法性身二生死

身謂佛以方便力現生現滅示初出家乃至成佛

得道一切惡法盡斷一切善法悉皆成就次第說

法度諸衆生是名生死身

二覺出翻譯名義

一自覺謂覺知過去未來現在三世一切諸法常

無常等悟性真空了惑虛妄功成妙智能自開覺
故名自覺二覺他謂自既覺已運無緣慈廣說諸
法開悟衆生皆令離生死苦得涅槃樂故名覺他

二覺

出起
信論

一本覺謂衆生心體靈明虛廓本來離念等虛空
界無處不徧即是如來平等法身是名本覺二始
覺謂衆生本覺心源由無明熏動覺成不覺多劫
在迷今始覺悟是名始覺始覺究竟即成佛也

二種

神力
出大智
度論

一令遠處見聞令遠處見聞者謂佛在一處說法
以神通力令他方異土衆生皆獲見聞也二令各
各見佛令各各見佛者謂佛在一處說法能令一
一衆生各自見佛在前說法譬如日出影現衆水
也

二足

出金剛經
纂要疏

一福足謂佛於因中修行布施持戒忍辱精進禪
定五度之福今於果上成就應身相好圓滿萬德
莊嚴是為福足二慧足謂佛於因中由修般若妙

慧成就法身。圓極真常。滿菩提果。衆智莊嚴。是爲

慧足。梵語菩提華言道。

契經二義。出阿毘達磨大毘婆沙論。

契者。上契諸佛之理。下契衆生之機。經者。法也。常也。如來所說契經。有此結集刊定之二義也。一結集義。謂如來契經。攝持衆義。冠有情心。令無妄失。猶結華鬘。冠衆生首。久無遺散也。二刊定義。謂如來契經。裁斷衆義。了別是非。去惡留善。猶匠繩墨。治彼衆材。斷邪歸正。去曲留直也。

二般若。出大智度論。

梵語般若。華言智慧。謂佛於般若會上說通別圓三教之法。故有其不共般若之名也。一其般若。其般若者。即通教也。通即通共之義。謂聲聞緣覺菩薩三乘之人。共依此教而修證也。二不共般若。不共般若者。即別圓二教也。謂此別圓二教。唯談菩薩修行之法。不與聲聞緣覺之所共也。

金剛二義。出金剛經助顯錄。

金剛者。金中最剛。故云金剛。而小品般若以金剛

立題者具有堅利二義焉。梵語般若一堅義堅義

者謂金剛之堅萬物不能碎壞以喻般若之體真

常清淨不變不遷頓惱不能亂邪魔不能動此即

實相般若也二利義利義者謂金剛之利能碎壞

萬物以喻般若之用能斷惑著照五蘊空度諸苦

厄此即觀照般若也。五蘊者色蘊受蘊想蘊行蘊識蘊也

迹本二門出法華玄義釋籤

門即能通之義謂由此門皆能通至實相也然此

二門惟法華一經明之蓋非本無以垂迹非迹無

以顯本本迹雖殊皆不思議故稱為妙諸經但論

釋迦近得成佛之迹而不言久遠已成之本則顯

法華已今當說最為第一故得為經中王也。實相者離

虛妄相名為實相即中道真實之妙理也己今當說者般若之前皆為已說無量義經為今說涅槃

當經為一迹門法華經中前十四品名為迹門迹猶

足迹譬如人之所居則有行往之迹也蓋論釋迦

最初成道已來及中間施化節節唱生唱滅以至

于今成佛度生皆是從本垂迹故名迹門也二本

門法華經中後十四品名為本門本為根本如樹

木之有根也。蓋論釋迦塵點劫前已得成佛。故經云一切世間天人阿脩羅皆謂今釋迦牟尼佛出釋氏宮去伽耶城不遠。坐於道場。得成正覺。然我實成佛以來。無量無邊百千萬億那由他劫。從是以來。我常在此娑婆世界說法教化。此是開迹顯本。故名本門也。梵語伽耶華言山城。梵語那由他華言萬億。梵語娑婆華言能忍。

二如來藏

出大乘止觀法門

如來者。即理性如來也。藏以含攝為義。謂一切眾生煩惱心中。具足無量無邊不可思議無漏清淨

之業。如石中有金。木中有火。故云垢藏之中。佛性滿足。是名如來藏也。一空如來藏。謂此心性雖隨染淨之緣。建立生死涅槃等法。然心體平等。離性離相。非唯所起染淨等法皆空。而能起之心亦不可得。是名空如來藏。二不空如來藏。謂此心性具足無漏清淨功德。及諸有漏業惑染法。包藏含攝。無德不備。無法不現。故名不空如來藏。

二涅槃

出大智度論

一有餘涅槃。謂見思煩惱已斷。尚餘現受色身未

滅是名有餘涅槃

見思煩惱即見思惑於意識起諸分別曰見惑於塵境起諸貪

愛惑曰二無餘涅槃謂見思二惑與所受五眾之身

俱得滅盡無有遺餘是名無餘涅槃

五眾即五陰謂色受想行

也

二心

出唯識論

一相應心應即當也謂一念妄心虛妄分別而與

煩惱諸惑相應是名相應心二不相應心謂常住

真心古今一相自性清淨而與煩惱諸惑永不相

應是名不相應心

二種性

出大智度論

一總性謂一切諸法性本空寂無生無滅無來無

去無入無出故名總性二別性謂人喜作惡事則

以惡為性好集善事則以善為性如火以熱為性

水以濕為性故名別性

二相

出大智度論

一總相謂說世間一切有為之法皆是無常故名

總相二別相謂諸法雖皆無常而各有別相如地

有堅相水有濕相火有熱相風有動相各各不同

故名別相

二相

舊名二識
出宗鏡錄

一所緣境相。謂心所緣色聲香味觸法六塵之境。其相顯現于外。是名所緣境相。二能緣識相。謂眼識乃至意識能緣六塵之境。其相顯現于內。是名

能緣識相

眼識乃至意識者。謂眼識耳識鼻識舌識身識意識也。六塵者。色塵聲塵香塵

味塵觸塵法塵也

二根

出楞嚴經義海

一浮塵根。浮塵者。根即眼耳鼻舌身意也。以其虛

假不實。故名浮。無見聞覺知之用。故名塵。經云。眼如蒲萄。耳如新卷。葉鼻如雙垂。舌如初偃。月身如腰鼓。賴意如幽室。見是也。二勝義根。勝義根者。謂眼等六根。有增上勝力。能照境發識。以成根用。故名勝義。如眼能見色。耳能聞聲。鼻能嗅香。舌能嘗味。身能覺觸。意能知法。是也。

二種根本

出楞嚴經

一無始生死根本。謂眾生經無窮劫。流轉生死。求其初始。實不可得。但迷失本性。即隨生死。故名無

始生死根本者。即是攀緣之心。經云。用攀緣心爲自性者是也。二無始菩提涅槃元清淨體。梵語菩提華言道。梵語涅槃華言滅度。謂性淨理體。虛融寂滅。不遷不變。無始無終。故名無始菩提涅槃不染煩惱。不涉生死。故號元清淨體。即菩提涅槃清淨之根本也。

二種識 出顯識論

一顯識。顯識即第八識。謂此識含藏一切善惡種子。而能顯現一切境界。故名顯識。第八識也。即二分

別識。分別識即第六意識。謂於顯識中分別五塵好惡等相。故名分別識。五塵者。色塵聲塵香塵味塵觸塵也。

阿賴耶二義 出宗鏡錄

梵語阿賴耶華言藏。謂第八識能含藏諸法。種故一能攝一切法。攝謂攝持。即含藏之義。蓋此識攝持一切善惡之法。猶如庫藏含藏寶貝而不遺失也。二能生一切法。生即發生也。謂此識既含藏善惡種子。則一切善惡諸法。從此出生。猶如大地能發生草木萬物也。

二諦 出翻譯名義

一真諦真諦者彰一性本實之理也所謂實際理地不受一塵是非雙泯能所俱亡指萬象為真如會三乘歸實際也三乘者聲聞乘緣覺乘菩薩乘也二俗諦俗諦者顯一性緣起之事也所謂佛事門中不捨一法勸臣以忠勸子以孝勸國以治勸家以和弘善示天堂之樂懲惡顯地獄之苦也

二力 出華嚴經疏

一思擇力思即思惟擇即決擇謂能思惟決擇一切正行對治諸障不令再起故名思擇力二修習力修即修治習即數習謂因修習之力能令一切善行堅固決定成就故名修習力

二忍 出大智度論

一衆生忍忍即忍耐亦安忍也謂菩薩於一切衆生不瞋不惱如慈母愛子又若一切衆生以種種惡而加於我心不瞋恚以種種恭敬供養於我心亦不喜是名衆生忍二無生法忍理本不生不滅今但言不生故名無生謂菩薩於無生之法忍可

忍樂不動不退是名無生法忍

二種我見出起信論

一人我見謂凡夫之人於五陰身強立主宰計我

為人作此妄見故名我見五陰者色陰受陰二

法我見謂二乘之人計一切法各有體性雖得人

無我智猶自怖畏生死妄取涅槃之法於法起見

故名法我見二乘者聲聞乘緣覺乘也梵語涅槃華言滅度

二空出法藏般若心經畧疏

一人空人空即我空也亦曰生空謂凡夫妄計五

蘊是我強立主宰引生煩惱造種種業佛為破此

計故說五蘊無我二乘悟之入無我理是名人空

五蘊者色蘊受蘊想蘊行蘊識蘊也二乘者聲聞乘緣覺乘也二法空謂二乘之

人未達法空之理猶計五蘊之法實有佛為破此

執故說般若深慧徹見五蘊自性皆空菩薩悟之

入法空理是名法空

二執出金光明經文句記

一人執謂眾生於五陰等法中強立主宰計我為

人妄生執著是名人執五陰者色陰受陰二法執

謂衆生不了五陰等法從因緣生如幻如化計爲
我身妄生執著是名法執

二果

出宗鏡錄

一增上果謂眼耳鼻舌身五根皆爲識所依根即
增勝名增上果又第六意識能引生眼等五識亦
名增上果又第七識前念爲後念所依亦名增上
果又第八識爲第七識之所依故亦名增上果第七
識者即分別識也第八識者即藏識也二異熟果異熟果者謂果報
異時成熟即第八識也以此識能含藏一切諸法

種子而成熟諸根識之果也如眼等諸根由昔作
善惡之因今報得苦樂之果若今作善惡之因亦

感當來苦樂之果是名異熟果

諸根者即眼耳鼻舌身意六根也

二果

出阿毘曇論

一習氣果

亦名所依果所謂數習宿世善惡氣分感於果

報也如往世修善勝故則今世爲善心重修惡勝
故則爲惡心重是名習氣果二報果謂由宿世善
惡爲因感報今世之果也如往世作諸善業之因
則感今世富樂之果作諸惡業之因則感貧苦之

果是名報果

二加出華嚴經疏

加即加被佛於華嚴會上以三業神力或冥或顯加被法慧等諸菩薩各各說法故有此二加也三

者身業口業意業也一顯加顯加者謂佛以平等大慈常鑑

衆生若有宿世善根成熟者即以神力加被菩薩

為其說法如身業摩頂以增其威口業勸說以益

其辯顯然可見故曰顯加身業摩頂者本以手二

冥加冥加者謂佛以意業神力加被菩薩增其智

慧於大衆中為人演說令無所畏隱密難見故曰冥加

二種廣利出華嚴經疏

一利今謂佛在世當機之衆聞法悟道獲大利益

是名利今二利後謂佛滅後一切衆生亦得聞經

受法修行悟道獲大利益是名利後

二種說法出寶性論

一細謂如來為諸菩薩演說甚深微妙之法以依

第一義諦而說故名為細第一義諦者如來所證出世間之妙理也二

麤謂如來或時為諸衆生演說諸法名字章句種種差別以依世諦而說故名爲麤世諦者謂世間一切諸法也

論有二種出阿毘達磨大毘婆沙論

論即辯明之義謂造論者或發明佛說大小二乘諸經之奧義或發明自宗之道辯證他宗之非故曰論也一立自宗立自宗者立自家之本宗也謂如善說法者立善說法宗惡說法者立惡說法宗應理論者立應理論宗分別論者立分別論宗也二遮他宗遮他宗者遮止他家所立之宗也謂如

善說法者遮惡說法宗惡說法者遮善說法宗應理論者遮分別論宗分別論者遮應理論宗也

二句出翻譯名義

句即句逗也又衆語和合成句謂如來所說之經必由文以載其義由義以成其文文義相成是爲句也一文句文即字也依類象形爲字形聲相稱曰文謂一切契經皆以文爲身文成語爲句詮顯其義必藉於文是爲文句二義句義即義理謂一切契經皆詮義理然義必依文而得顯文因義而

能成裁斷其文必由乎義是為義句

二義 出圓覺經毘疏

一了義謂諸大乘經宣說勝義如煩惱即菩提生死即涅槃之類皆究竟顯了名為了義二不了義謂諸經中宣說世俗等事或說厭離生死欣求涅槃等種種文句差別不為究竟顯了名不了義

二請 出華嚴經疏

一言請言請者謂以言說而請問也即華嚴第一會三昧品中普賢菩薩以言重請下之三品是也

三品者世界成就品華藏二念請念請者謂不與世界品毘盧遮那品也

言說唯以念想而請問也即第二會如來名號品中世尊知諸菩薩心之所念為現神通等是名念請

二答 出華嚴經疏

一言答謂華嚴經第一會至第八會各有請問皆以言說而答是名言答二示相答謂華嚴經第九會入法界品初起六十句問如來自入師子頻申三昧現相而答蓋佛心自在不待興言佛力殊勝

現相能答是名示相答頻申奮

二食出法華文句

一法喜食謂聞法懽喜即得增長善根資益慧命猶世間之食能養諸根支持其命是名法喜食二禪悅食謂以禪法資其心神而得禪定之樂即得增長善根資益慧命猶世間之食能養諸根支持其命是名禪悅食

無明二義出起信論疏

一無體即空義謂無明之感皆依衆生妄心違於

真如而起妄境元空體本不有故云無體即空義二有用成事義謂無明雖無自體而能成辦世間出世間一切事業故云有用成事義

二種熏出翻譯名義

熏資熏擊發之義也蓋言第八識雖含藏一切善惡種子若無染淨二緣熏發則不能成染淨等事如穀麥等種雖有生芽之能若不得水土資熏芽亦不生故名熏也第八識即一熏習熏即熏發習藏識也即數習謂數習染淨之緣熏發心體而成染淨等

事故名熏習。二資熏資猶助也。謂現對塵境所起之心。及諸惑相資熏發而成染淨等事。故名資熏。華嚴為諸教本有二。出華嚴經疏

華嚴即大方廣佛華嚴經也。如來出現於世。初說此經。而後演說漸頓諸法者。蓋大小漸次諸教。皆從此華嚴性海流出。故此經能統攝該括。以為諸教之本也。一為開漸之本。開謂開設。漸即漸次。即三乘之教也。佛初說華嚴根本一乘圓教。諸大菩薩信解證入。如來智慧時有三乘權淺之機。雖預

法會。如聾若盲。不信不解。不順不入。故盧舍那佛脫珍御服。著弊垢衣。乃開三乘漸次。隨宜之教。令

彼聲聞緣覺及權教菩薩。開解成熟。故華嚴為開

漸之本也。

三乘者聲聞乘緣覺乘菩薩乘也。梵語盧舍那華言淨滿。

二為攝末

之本。攝謂收攝。末即支末。即前三乘教也。佛既為

諸小乘之機。說三乘法。既成熟已。最後令其悟入

佛慧。故大乘同性經云。所有聲聞法。辟支佛法。菩

薩法。諸佛法。如是一切諸法。皆悉流入毘盧遮那

智藏大海。故華嚴為攝末之本也。

梵語毘盧遮那華言光明徧照。

亦云徧
一切處

二種立題

出法華
文句

二種立題者。謂凡諸經題目。有佛自立者。有結集經家之所立者。一佛自立。佛自立者。謂諸經題目。有佛自立。如金剛經云。是經名為金剛般若波羅

蜜。以是名字。汝當奉持。是也。二經家立。經家立者。謂佛入滅後。諸經題目。有阿難等結集之人所立。

如妙法蓮華等經。是也。

梵語阿難
華言慶喜

二羯磨

出四
分律

